

„30“ დეკემბერი 2017 წ.

ქ. ზუგდიდი

სსიპ პროფესიული კოლეჯი „ლაკადა“ (შემდგომში „დამკვეთად“ წოდებული), მისი დირექტორის მოვალეობის შემსრულებელი თეანა ქუხილავას სახით, ერთის მხრივ და საქართველოს შინაგან საქმეთა სამინისტროს საჯარო სამართლის იურიდიული-პირი დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო (შემდგომში „დაცვად“ წოდებული), მისი უფროსის, პოლიციის პოლკოვნიკის მერაბ ლიპარტიას სახით, მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. „დაცვა“ უზრუნველყოფს სსიპ პროფესიული კოლეჯი „ლაკადა“-ს ობიექტზე განთავსებული მატერიალური ფასეულობებისა და საზოგადოებრივი წესრიგის დაცვას (შემდგომში „ობიექტად“ წოდებული), რომელიც მდებარეობს, ქ. ჯვარი ყაზბეგის ქ. N 2
- 1.2. „გადამხდელი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე-6 მუხლის მოთხოვნათა მიხედვით:

მუხლი 2 „დაცვა“ ვალდებულია

- 2.1 უზრუნველყოს „დამკვეთის“ ტერიტორიაზე განთავსებული მატერიალური ფასეულობებისა და საზოგადოებრივი წესრიგის დაცვა;
- 2.2 არ გაამჟღავნოს „დამკვეთის“ სამსახურებრივი საიდუმლოება;
- 2.3 „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;
- 2.4 „ობიექტის“ დაცვა განახორციელოს ცეცხლსასროლი იარაღით.
- 2.5 განახორციელოს ყველა კანონიერი ქმედება დასაცავ ობიექტზე მატერიალური ფასეულობებისა და საზოგადოებრივი წესრიგის დაცვის უზრუნველსაყოფად.
- 2.6 დაუყოვნებლივ აცნობოს სამართალდამცავ ორგანოებს ქურდობის, შეიარაღებული მარცვის ან ყაჩაღობის შემთხვევის შესახებ და მათ მოსვლამდე უზრუნველყოს შემთხვევის ადგილის ხელშეუხებლობა და დანაშაულის აღკვეთა.
- 2.7 ობიექტზე ხანძრის შემთხვევაში დაუყოვნებლივ აცნობოს სახანძრო სამსახურს და დამკვეთს.
- 2.8 შეასრულოს ხელშეკრულებაში მითითებული მოთხოვნები ან დამკვეთის წერილობითი მოთხოვნები, რომლებიც დაკავშირებულია დაცვის საქმიანობასთან და ხელს არ უშლის დაცვის მიერ თავისი პროფესიული საქმიანობის განხორციელებას.
- 2.9 დაცვა მატერიალურ პასუხისმგებლობას კისრულობს „დაცვის“ მიერ ხელშეკრულებით დაკისრებული და კანონმდებლობით გათვალისწინებული მოვალეობების არაჯეროვანი შესრულების შედეგად გადამხდელისათვის მიყენებულ ზარალზე;
- 2.10 ზარალის ოდენობის განსაზღვრა მოხდება მხარეთა მონაწილეობით შედგენილი შედარების აქტით, რომელიც უნდა ეყრდნობოდეს „დამკვეთის“ საბუღალტრო დოკუმენტაციას.
- 2.11 „დამკვეთისათვის“ ფაქტიური ზარალის ანაზღაურებას „დაცვა“ მოახდენს ერთობლივი კომისიის დასკვნის, აღსრულების ფურცლის ან კანონიერ ძალაში შესული სასამართლო გადაწყვეტილების საფუძველზე, 30 დღის განმავლობაში;

მუხლი 3. დაცვა პასუხისმგებლობას არ კისრულობს:

- 3.1. „დამკვეთმა“ არ შეასრულა ხელშეკრულებითა და მოკვლევის აქტით გათვალისწინებული მოთხოვნები;
- 3.2. თანამშრომელთა პირად საკუთრებაზე, რომელიც დატოვებული იქნა დასაცავ „ობიექტში“;
- 3.3. მატერიალურ ფასეულობათა ქურდობისათვის, თუ ქურდობა ჩადენილია „დამკვეთის“ მიერ ობიექტის ტერიტორიაზე განთავსებული მატერიალური ფასეულობების დაცვისათვის ჩაუბარებლობის მიზეზით;

მუხლი 4. „დამკვეთი“ ვალდებულია

- 4.1 განახორციელოს ხელშეკრულებით გათვალისწინებულ მოთხოვნათა შესრულება და იზრუნოს „დაცვასთან“ ერთად ობიექტის დაცვის სრულყოფისათვის;
- 4.2 „ობიექტის“ მთლიანობის დარღვევის შემთხვევაში არ შევიდეს მასში „დაცვის“ თანამშრომლის გარეშე და არ დაიწყოს მატერიალური ფასეულობათა აღწერა;
- 4.3 შეუქმნას „დაცვას“ დაცვის განხორციელებისათვის აუცილებელი პირობები გონივრული მოთხოვნის ფარგლებში;
- 4.4 „დაცვა“-ს აცნობოს და მასთან ერთად შეთანხმებით გადაწყვიტოს „ობიექტზე“ მოსალოდნელი ყველა ის ცვლილება, რომელიც შეეხება დაცვის უსაფრთხოებას (ობიექტის დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო სამუშაოების წარმოება და ასე შემდეგ);
- 4.5 „დაცვის“ თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს დაცვას;
- 4.6 „დამკვეთს“ ეკრძალება დამატებით ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა რომლებიც განსაზღვრული არ არის მოკვლევის აქტით;

მუხლი 5. ფორს-მაჟორი

- 5.1 მხარეები თავისუფლდებიან წინამდებარე ხელშეკრულებით გათვალისწინებული ვალდებულებების შესრულებისაგან ფორს-მაჟორული შემთხვევის დროს, რომლის დროსაც შეუძლებელია დაკისრებული მოვალეობების შესრულება;

მუხლი 6. დაცვის სახეობა, საგუშაგოთა განლაგება, საშტატო ერთეულები და დაცვის მომსახურების ღირებულება

- 6.1 სსიპ პროფესიული კოლეჯი „ლაკადა“-ს დაცვა განხორციელდება 1 (ერთი) ინსპექტორისა და 6 (ექვსი) უმცროსი ინსპექტორის საშტატო ერთეულით, ინსპექტორი სამუშაო დღეებში 10:00 საათიდან 18:00 საათამდე, უმცროსი ინსპექტორები სამცვლიანი სამუშაო გრაფიკით ცვლაში 2 (ორი) უმცროსი ინსპექტორი 24 საათიანი სამუშაო რეჟიმით.
- 6.2. ობიექტზე ცოცხალი ძალის გადანაწილება, ასევე საგუშაგოთა რაოდენობის და ადგილმდებარეობების განსაზღვრა, ხორციელდება ობიექტის პირველადი და შემდგომი მოკვლევის აქტებით, რომლებიც ამ ხელშეკრულების დანართებს წარმოადგენს;
- 6.3. „დაცვის“ მომსახურების ღირებულება ერთ თვეში შეადგენს 5800 (ხუთიათასრვაას) ლარს დ.დ.გ-ის ჩათვლით, ინსპექტორის მომსახურების თანხა თვეში შეადგენს 1000 (ათასი) ლარს დ.დ.გ-ს ჩათვლით, ერთი უმცროსი ინსპექტორის დაცვის მომსახურების თანხა შეადგენს 800 (რვაასი) ლარს დ.დ.გ-ს ჩათვლით
- 6.4. ანგარიშსწორება მხარეთა შორის მოხდება ყოველი საანგარიშო თვის დასრულებიდან მეორე თვის ათ რიცხვამდე;

მუხლი 7. ხელშეკრულების მოქმედების ვადა

- 7.1. ხელშეკრულება ძალაში შედის 2018 წლის 01 იანვრიდან და მოქმედებს 2018 წლის 31 დეკემბრის ჩათვლით.

მუხლი 8. სხვა პირობები

- 8.1. ხელშეკრულების ვადის გაგრძელება და ცვლილებები შეტანილი იქნება „დამკვეთსა“ და „დაცვას“ შორის წერილობითი შეთანხმების საფუძველზე.

8.2. ხელშეკრულების გაუქმება ვადაზე ადრე შეიძლება მოხდეს მხარეთა შეთანხმებით, ასევე რომელიმე მხარის მიერ ნაკისრი ვალდებულებების შეუსრულებლობის შემთხვევაში, მეორე მხარის წერილობით შეტყობინების საფუძველზე, შესაბამისი დარღვევის მითითებით;

8.3. ორი თვის დაცვის მომსახურების თანხის გადაუხდელობის შემთხვევაში დამკვეთს დაეკისრება პირგასამტეხელის გადახდა ყოველ ვადაგადაცილებულ დღეზე ხელშეკრულების საერთო ღირებულების 0.2 % ოდენობით.

8.4. დაცვის მომსახურების თანხის გადაუხდელობის შემთხვევაში დაცვა უფლებამოსილია ცალმხრივად შეწყვიტოს ხელშეკრულება და თანხის ამოღების მიზნით მიმართოს სასამართლოს.

8.5. მხარეებს შორის წარმოშობილი ნებისმიერი დავა და უთანხმოება გადაწყდება მხარეთა ურთიერთშეთანხმებით. შეთანხმების მიუღწევლობის შემთხვევაში დავას განიხილავს სასამართლო.

8.6. ხელშეკრულება შედგენილია თანაბარი იურიდიული ძალის მქონე ოთხ იდენტურ ეგზემპლარად, რომელთაგან ერთი ინახება „დამკვეთთან“, ხოლო სამი „დაცვაში“;

მხარეთა იურიდიული მისამართები და ანგარიშის ნომრები

„დამკვეთი“

სსიპ პროფესიული კოლეჯი „ლაკადა“

ს/კ N 24272879

ქ. ჯვარი, ყაზბეგის ქ. N 2

დირექტორის მ/შ



/თეანა ქუხილავა/

„დაცვა“

შსს სსიპ სამეგრელო-ზემო სვანეთის რეგიონალური

დაცვის პოლიციის სამმართველო,

ს/კ N 211350928, ქ. ფოთი, მშვიდობის ქ. N 6.

მიმღები ბანკი - სახელმწიფო ხაზინა;

მიმღების დასახელება - ხაზინის ერთიანი ანგარიში;

ბანკის კოდი: TRESGE22; მიმღების ანგარიში/სახაზინო კოდი N 707117041

რეგიონალური დაცვის პოლიციის
სამმართველოს უფროსი



/მერაბ ლიპარტია/